



# ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

## ՈՐՈՇՈՒՄ

13 հունիսի 2022 թվականի թիվ 81-Ա

ք. Երևան

### «ՅՈՒԲՈՍ» ՓԲ ԸՆԿԵՐՈՒԹՅԱՆ ՆԿԱՏՄԱՍԲ ՀԱՐՈՒՑՎԱԾ ՎԱՐՉԱԿԱՆ ՎԱՐՈՒՅԹԸ ՎԱՐՃԵԼՈՒ ՄԱՍԻՆ

Հեռուստատեսության և ռադիոյի հանձնաժողովն (այսուհետ՝ Հանձնաժողով) ուսումնասիրելով դիմումի հիման վրա 2022 թվականի ապրիլի 18-ին հարուցված թիվ 8 վարչական վարույթի նյութերը՝ *պարզեց*.

2022 թվականի ապրիլի 18-ին Հանձնաժողով մուտքագրված «ՍՈԼԻԴ ՓԱՐԹՆԵՐ» ՍՊ ընկերության (այսուհետ՝ Իրավատեր) դիմումում նշված է ցանցային օպերատորի գործունեություն իրականացնող «ՅՈՒԲՈՍ» ՓԲ ընկերության (այսուհետ՝ ցանցային օպերատոր) կողմից առանց նախապես իրավատիրոջ թույլտվության ձեռքբերման իր տեսավարձույթ ծառայության տեսացանկում բաժանորդներին հեղինակային իրավունքի օբյեկտ հանդիսացող կինո-հեռուստաֆիլմեր (այսուհետ՝ Ֆիլմեր) տրամադրելու փաստի վերաբերյալ:

Ըստ Իրավատիրոջ՝ ցանցային օպերատորն առանց իրավատիրոջ համաձայնության իր տեսավարձույթ ծառայության տեսացանկում բաժանորդներին առաջարկել է հետևյալ կինո-հեռուստաֆիլմերը.

Ֆիլմի անվանում	Տևողություն	Արտադրության տարեթիվ	Արտադրող երկիր	Լիցենզիայի գործողության ժամկետ
«БОЛЬШОЙ КУШ» «BEASTS CLAWING AT STRAWS»	1x108	2020թ.	ՀԱՐԱՎԱՅԻ Ն ԿՈՐԵԱ	11.01.2022թ.-10.01.2027թ.
«КАК УКРАСТЬ БРИЛЛИАНТ» «LOVE PUNCH»	1x951	2013թ.	ԱՄՆ	11.01.2022թ.-10.01.2027թ.
««МУЖЧИНА НАРАСХВАТ» «PLAYING FOR KEEPS»	1x105	2015թ.	ԱՄՆ	11.01.2022թ.-17.09.2024թ.
«УКРАЩЕНИЕ СТРОПТИВОГО» «IL	1x104	1980թ.	ԻՏԱԼԻԱ	11.01.2022թ.-30.09.2024թ.

BISBETICO DOMATO»				
«ОГРАБЛЕНИЕ КАЗИНО» «KILLING THEM SOFTLY»	1x97	2012թ.	ԱՄՆ	11.01.2022թ.-10.01.2027թ.
«ИГРА В ИМИТАЦИЮ» «THE IMITATION»	1x114	2014թ.	ԱՄՆ, ԱՆԳՎԻԱ	11.01.2022թ.-10.01.2027թ.
«ГЛАЗА ДРАКОНА» «DRAGON EYES»	1x91	2012թ	ԱՄՆ	11.01.2022թ.-30.06.2026թ.

Իրավատերը տեղեկացրել է նաև, որ հանդիսանում է դիմումում նշված Ֆիլմերի նկատմամբ հեղինակային իրավունքների Հայաստանի Հանրապետության տարածքում բացառիկ իրավատերը:

Համադրելով փաստերը, Իրավատերը պնդում է, որ քննարկվող դեպքում գործ ունենք ֆիլմերն առանց հեռարձակման իրավունքը հավաստող փաստաթղթերի առկայության ցուցադրության «Տեսալսողական մեդիայի մասին» օրենքի խախտման հետևանքով առկա է նաև «Հեղինակային իրավունքի և հարակից իրավունքների» մասին օրենքով պաշտպանվող տեսալսողական ստեղծագործությունների նկատմամբ Իրավատիրոջ ունեցած հեղինակային իրավունքների խախտում, քանի որ Իրավատերը հանդիսանում է թվարկված ֆիլմերի նկատմամբ հեղինակային իրավունքների Հայաստանի Հանրապետության տարածքում բացառիկ իրավատերը, իսկ ցանցային օպերատորի կողմից նշված ֆիլմերը տեսավարձույթ ծառայության միջոցով առաջարկվում է առանց Իրավատիրոջ հետ հեղինակային պայմանագիր կնքելու:

Ելնելով վերոնշվածից և տեսալսողական մեդիայի մասին օրենսդրության խախտման փաստից, Իրավատերը խնդրում է *ցանցային օպերատորին պատասխանատվության ենթարկել առանց Իրավատիրոջ համաձայնության վերոհիշյալ Ֆիլմերն իր տեսավարձույթ ծառայության տեսացանկով բաժանորդներին առաջարկելու համար:*

Հանձնաժողովը ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի ա) կետով և հիմք ընդունելով Իրավատիրոջ դիմումը՝ 2022 թվականի ապրիլի 18-ին ցանցային օպերատորի նկատմամբ հարուցել է վարչական վարույթ:

Հանձնաժողովը հարուցված վարչական վարույթի մասին 2022 թվականի ապրիլի 20-ին ծանուցել է ցանցային օպերատորին և հայտնել, որ այս հարցի վերաբերյալ կարող են ներկայացնել իրենց պարզաբանումները և բացատրությունները:

Հարուցված վարչական վարույթի ընթացքում ցանցային օպերատորի կողմից որևէ պարզաբանում կամ բացատրություն չի ներկայացվել:

***Հանձնաժողովի հիմնավորումները (պատճառաբանությունը) և եզրահանգումը.***

Այսպիսով, վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն ամրագրում է հետևյալը.

«Տեսալսողական մեդիայի մասին» օրենքի (այսուհետ՝ Օրենք) 2-րդ հոդվածի 1-ին մասը սահմանում է.

«Հայաստանի Հանրապետության տեսալսողական մեդիայի մասին օրենսդրությունը ներառում է Հայաստանի Հանրապետության Մահմանադրությունը, «Տեսալսողական մեդիայի մասին», «Զանգվածային լրատվության մասին», «Էլեկտրոնային հաղորդակցության մասին», «Հեղինակային իրավունքի և հարակից իրավունքների մասին», «Լեզվի մասին», «Գովազդի մասին» օրենքները, Հայաստանի Հանրապետության ընտրական օրենսգրքը, կարգավորող պետական մարմնի իրավական ակտերը, տեսալսողական մեդիայի ոլորտը կարգավորող այլ իրավական ակտեր և Հայաստանի Հանրապետության միջազգային պայմանագրերը»:

Օրենքի 53-րդ հոդվածի 3-րդ և 4-րդ մասերը սահմանում են.

3. Առանց լիցենզավորման տեսալսողական տեղեկատվության հեռարձակում են իրականացնում ոչ գծային Հեռարձակողները, որոնք գործունեություն են իրականացնում կարգավորող պետական մարմնի սահմանած կարգով գործունեությունը թույլատրող որոշումն ստանալուց հետո:

4. Կարգավորող պետական մարմնի՝ գործունեությունը թույլատրող որոշումն ստանալուց հետո ոչ գծային Հեռարձակողները կարող են պայմանագրային հիմունքներով գործունեություն իրականացնել ցանցային օպերատորների և այլ հաղորդակցության ցանցերով:

Հանձնաժողովի 2021 թվականի դեկտեմբերի 10-ի թիվ 199-Ա որոշմամբ՝ ցանցային օպերատորին տրվել է ոչ գծային տեսալսողական տեղեկատվության հեռարձակման գործունեություն իրականացնելու թույլտվություն:

«Հեղինակային իրավունքի և հարակից իրավունքների մասին» օրենքի 3-րդ հոդվածի 4-րդ մասի գ) կետի համաձայն՝ Հեղինակային իրավունքի օբյեկտներ են՝

գ) տեսալսողական ստեղծագործությունները (կինո-հեռուստաֆիլմերը, անիմացիոն և մուլտիպլիկացիոն կինոնկարները, կարճ երաժշտական տեսահոլովակները, գովազդային, փաստագրական, փաստավավերագրական և այլ ֆիլմերը):

«Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին մասի համաձայն՝ այլ անձինք ստեղծագործությունը կարող են օգտագործել միայն ստեղծագործության նկատմամբ գույքային իրավունքները կրող անձի (ստեղծագործության հեղինակ կամ այլ անձ, որին այդ իրավունքներն անցել են օրենքով սահմանված կարգով, այսուհետ՝ իրավատեր) թույլտվությամբ՝ հեղինակային պայմանագրի հիման վրա, եթե սույն օրենքով այլ բան նախատեսված չէ:

«Հեղինակային իրավունքի և հարակից իրավունքների մասին» օրենքի 65-րդ հոդվածի 1-ին մասի համաձայն՝ սույն օրենքով պահպանվող ստեղծագործության կամ դրա էական մասի կամ հարակից իրավունքների օբյեկտի ցանկացած օգտագործում անօրինական է, եթե նախապես, մինչև նման օգտագործումը ձեռք չի բերվել հեղինակային իրավունքի կամ հարակից իրավունքների իրավատիրոջ թույլտվությունը:

Ստեղծագործության էական մաս է համարվում ստեղծագործության որևէ մասը, որը տվյալ ստեղծագործությանը ծանոթ ցանկացած անձ ինքնուրույն կարող է նույնականացնել որպես այդ ստեղծագործության մաս:

Վարչական վարույթի ընթացքում՝ 2022 թվականի մայիսի 25-ին, Իրավատերը գրավոր դիմել է Հանձնաժողով և դիմումում մասնավորապես նշված է.

*Սույնով «Սոլիդ Փարթներ» ՍՊԸ-ն հրաժարվում է «БОЛЬШОЙ КУШ» («BEASTS CLAWING AT STRAWS» 1x108 Հարավային Շորեա 2020թ.), «КАК УКРАСТЬ БРИЛЛИАНТ» («LOVE PUNCH» 1x95 ՍՄՆ 2013թ.), «МУЖЧИНА НАРАСХВАТ» («PLAYING FOR KEEPS» 1x105 ՍՄՆ 2012թ.), «УКРАЩЕНИЕ СТРОПТИВОГО» («IL BISBETICO DOMATO» 1x104 ԻՏՄԻՄ 1980թ.), «ОГРАБЛЕНИЕ КАЗИНО» («KILLING THEM SOFTLY» 1x97 ՍՄՆ 2012թ.), «ИГРА В ИМИТАЦИЮ» («THE IMITATION» 1x114 ՍՄՆ, ՍՆԳԼԻՄ 2014թ.), «ГЛАЗА ДРАКОНА» («DRAGON EYES» 1x91 ՍՄՆ 2012թ.) ֆիլմերի մասով իր բացառիկ իրավունքների խախտման կապակցությամբ*

վարչական վարույթ հարուցելու և «Յուքում» ՓԲԸ-ին պատասխանատվության ենթարկելու վերաբերյալ սույն թվականի ապրիլի 15-ին փոստային ծառայության միջոցով Հանձնաժողով ուղարկված և Հանձնաժողովի կողմից ապրիլի 18-ին ստացված «Յուքում» ՓԲԸ-ի դեմ վարչական վարույթի հիմք դիմումից:

Արձանագրելով նաև այն փաստը, որ Իրավատերը հրաժարվել է ցանցային օպերատորի դեմ վարչական վարույթ հիմք հանդիսացող դիմումից, իսկ «Վարչարարության հիմունքների և վարչական վարույթի մասին» օրենքի 50-րդ հոդվածի 1-ին մասի բ) կետի համաձայն՝ դիմողը իր դիմումից գրավոր հրաժարվելու դեպքում վարչական վարույթը կարճվում է, ուստի Հանձնաժողովն արձանագրում է, որ նշված հիմքով ցանցային օպերատորի նկատմամբ հարուցված թիվ 8 վարչական վարույթը ենթակա է կարճման:

«Վարչարարության հիմունքների և վարչական վարույթի մասին» օրենքի 50-րդ հոդվածի 1-ին մասի բ) կետը սահմանում է.

«1. Դիմումով հարուցված վարչական վարույթը կարճվում է, եթե՝

բ) դիմողը գրավոր ձևով հրաժարվում է իր դիմումից»:

Իսկ նույն հոդվածի 3-րդ մասը սահմանում է

«3. Վարչական մարմինը վարչական վարույթի կարճման վերաբերյալ ընդունում է որոշում, որը եռօրյա ժամկետում պատշաճ ձևով ուղարկվում է վարույթի մասնակիցներին»:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» օրենքի 50-րդ հոդվածի 3-րդ մասի դրույթով և հիմք ընդունելով «Վարչարարության հիմունքների և վարչական վարույթի մասին» օրենքի 50-րդ հոդվածի 1-ին մասի բ) կետի դրույթը և Իրավատիրոջ 2022 թվականի մայիսի 25-ի գրությունը՝ Հեռուստատեսության և ռադիոյի հանձնաժողովը **որոշեց**.

1. Կարճել դիմումի հիման վրա «ՅՈՒՔՈՄ» ՓԲ ընկերության նկատմամբ հարուցված թիվ 8 վարչական վարույթը:
2. Սույն որոշումն ուժի մեջ է մտնում այն վարչական վարույթի մասնակիցներին պատշաճ ձևով հանձնելու օրվան հաջորդող օրվանից:
3. Սույն որոշումը կարող է բողոքարկվել ՀՀ վարչական դատարան՝ ուժի մեջ մտնելու օրվանից երկամսյա ժամկետում:

**ՀԵՌՈՒՍՏԱՏԵՍՈՒԹՅԱՆ ԵՎ ՌԱԴԻՈՑԻ  
ՀԱՆՁՆԱԺՈՂՈՎԻ ՆԱԽԱԳԱՀ՝**

**Տ. ՀԱԿՈՒԹՅԱՆ**

13 հունիսի 2022թ.  
ք. Երևան